

MINISTARSTVO ZA INDUSTRIJU, ENERGETIKU I RUDARSTVO

PROGRAM RADA ZA 2004. GODINU

Ministarstvo industrije, energetike i rudarstva svoje poslove obavlja u skladu sa članom III.2. do 4. Ustava Federacije, Ustavom Tuzlanskog kantona, članom 11. Zakona o ministarstvima i drugim organima uprave Tuzlanskog kantona te drugim Federalnim i kantonalnim propisima, koji regulišu pojedine resorne oblasti Ministarstva.

Pored redovnog praćenja funkcioniranja privrednih društava, ažuriranja postojeće baze podataka te analize stanja u preduzecima Ministarstvo planira, da u 2004. godini uradi slijedeće poslove:

U okviru normativne djelatnosti, Ministarstvo će nakon usvajanja Federalnih zakona uputiti na razmatranje i usvajanje:

- Nacrt Zakona o geološkim istraživanjima ;
- Nacrt Zakona o rudarstvu ;
- Nacrt Zakona o energetici ;

Takođe nakon donošenja Federalnog zakona predložit će se donošenje izmjena i dopuna Zakona o malim hidroelektranama a u cilju usglašavanja sa federalnim zakonom.

Obzirom da je odloženo donošenje Zakona o koncesijama Tuzlanskog Kantona jer se očekuje donošenje izmjena i dopuna Federalnog zakona o koncesijama, Ministarstvo će nakon donošenja navedenih izmjena i dopuna zakona, pristupiti pripremi Zakona o koncesijama. u skladu sa izradom i ovog zakona

U okviru informativno-analitičke djelatnosti Ministarstvo će saciniti slijedeće akte:

- Informaciju o stanju u industriji, energetici i rudarstvu sa ostvarenim rezultatima poslovanja u periodu I-XII 2003. godine;
- Izvještaj o radu ministarstva za period I-XII 2003. godine
- Informaciju o radu upravnih odbora u privrednim društvima u kojima prava i obaveze vlasnika po osnovu državnog kapitala vrši Vlada Kantona;
- Informaciju o stanju u industriji, energetici i rudarstvu sa ostvarenim rezultatima poslovanja u periodu I-VI 2004. godine;
- Izvještaj o radu Ministarstva u periodu I-VI 2004. godine.
- Prijedlog odluka iz nadležnosti Vlade, kojima se regulišu pitanja iz oblasti resornog ministarstva.

U oblasti industrije Ministarstvo planira slijedeće aktivnosti:

- Angažovanje na stabilizaciji proizvodnje u Fabrici sode Lukavac sa aspekta stvaranja uslova za realizaciju zacrtanog Programa kao I na realizaciji Programa povećanja proizvodnje na 800t/ dan,
- prema Ugovoru o formiranju d.o.o. Koksne idustrije Lukavac, očekuje se otvaranje i završetak investicije na završetku V koksne baterije i uspostavljanje integralne proizvodnje na svim pogonima KIL-a, te će se Ministarstvo uključiti u realizaciju navedenih aktivnosti;
- Ministarstvo, će se uključiti zajedno sa stecajnim upravnikom "Polihema" te strucnim institucijama na izradi analize o opravdanosti pokretanja parcijalne proizvodnje u "Polihemu". Ako se pokaže da postoji opravdanost za pokretanje proizvodnje, Ministarstvo će se uključiti u realizaciju navedenog programa.
- Ministarstvo će se uključiti u stvaranju uslova za realizaciju novih programa koji se očekuju u Fabrici soli Tuzla, kao i svim drugim privrednim subjektima;
- Obzirom da se očekuje zaživljavanje proizvodnje u hemijskoj industriji kao velikom potrošaču elektricne energije, Ministarstvo će se angažovati na promjeni uslova za sticanje povlaštenog statusa u potrošnji elektricne energije kako bi ova društva pojedinačno ili kumulativno ušla u ovu kategoriju,
- Ministarstvo će raditi na stvaranju uslova za stabilizaciju proizvodnje, što uključuje i reorganizaciju, u Tvornici transportnih uređaja Tuzla "TTU".
- Opcenito, Ministarstvo će se angažovati na poboljšanju uslova privređivanja u privrednim

društvima resorne oblasti, što podrazumijeva stalno praćenje stanja, ažuriranje baze podataka, izradu analiza, izvještaja, informacija, elaborata, programa i inicijativa za prevazilaženje nagomilanih problema.

- Održavaće se redovni sastanci sa menadžmentom i upravljačkim strukturama privrednih društava uz redovne posjete i obilaske, a u cilju boljeg sagledavanja stanja i pomoći kod konsolidacije i izrade razvojnih programa, posebno onih koji omogućavaju dodatno zapošljavanje i podsticu izvoz.

- sa granskim povjereništvima sindikata održavaće se kontakti u cilju prevazilaženja socijalnih problema.

- takode, intenzivirati saradnju sa reorganizovanom Kantonalnom Privrednom komorom, i međunarodnim organizacijama koje djeluju na području TK, kroz organizovanje savjetovanja i seminara za menadžment preduzeća u cilju pomoći pri izradi, kandidovanju i realizaciji razvojnih programa kao i na temu stranih ulaganja. Takode i na neke druge teme za koje se ukaže potreba.

- Ministarstvo će se angažovati se na primjeni Zakona o privatizaciji i s tim u vezi koordinirati i pratiti aktivnosti vezane za preregistraciju preduzeća u kojima je proces privatizacije završen direktno ili putem upravnih odbora;

- Ministarstvo će saradivati sa kantonalnom i federalnom Agencijom za privatizaciju u cilju što brže i kvalitetnije privatizacije preostalih privrednih društava Tuzlanskog Kantona;

- u okviru nadležnosti ministarstva a u saradnji sa inspeksijskim organima Federacije BiH, raditi na sprovođenju i primjeni zakonske regulative, te raditi na uvođenju i primjeni ISO i drugih standarda;

- Ministarstvo će u okviru svojih nadležnosti raditi na sprovođenju i primjeni Zakona o stranim ulaganjima kao i drugih zakona iz resorne oblasti;

- U Ministarstvu će se obavljati i drugi poslovi koji budu nametnuti razvojem stanja i događaja u privredi Tuzlanskog kantona.

U oblasti rudarstva Ministarstvo planira slijedeće:

- Kontinuirano praćenje procesa planskog potapanja jame Rudnika soli "Tušanj".

Na osnovu Zaključka Skupštine TK, rješenjem ministra obrazovana je Komisija za praćenje i kontrolu toka potapanja jame Rudnika soli "Tušanj", koja će nastaviti sa praćenjem planskog potapanja jame "Tušanj" i redovno izvještavati Ministarstvo, a po potrebi Vladu i Skupštinu TK.

Osim toga nastaviće se sa praćenjem aktivnosti na osposobljavanju postojećih i izgradnji novih bušotina na Rudniku Tetima a sve u svrhu obezbjeđenja dovoljnih količina slane vode za iskazane potrebe potrošača.

Komisija za praćenje realizacije investicionih radova na Rudniku soli "Tetima" nastaviće sa praćenjem ovih aktivnosti i redovno izvještavati Ministarstvo, koje će po potrebi pružati pomoć i izvještavati Vladu i Skupštinu Tuzlanskog kantona.

- Intenzivirati aktivnosti oko izrade "Projekta istraživanja i monitoringa masiva sonog ležišta u Tuzli sa prognozom procesa slijeganja nakon prestanka eksploatacije soli nekontrolisanim izluživanjem" pocevši sa raspisivanjem tendera za izbor najpovoljnijeg ponudaca i aktivnostima na obezbjeđenju neophodnih finansijskih sredstava za izradu pomenutog projekta.

- Aktivnosti vezane za pomoć Rudniku kercnjaka "Vijenac" Lukavac oko obezbjeđenja sredstava za nova investiciona ulaganja, prvenstveno osposobljavanju žicare i kupovini nove mehanizacije, u svrhu podizanja pogonske spremnosti za planiranu proizvodnju od 800.000 t/godišnje. Nova ulaganja su neophodna da bi se obezbijedilo sigurno snabdijevanje kamena kercnjaka za Fabriku sode Lukavac, Fabriku cementa Lukavac I Koksno hemijski kombinat Lukavac.

- Učešće u iznalaženju najpovoljnijeg modela privatizacije RK "Vijenac", nakon što prethodno bude izvršena vlasnička transformacija u FSL i KHK.

- Ucestvovanje zajedno sa Agencijom za privatizaciju TK, na okoncanju privatizacije "Rudnici nematala Kladanj" Kladanj.

- u skladu sa Zakonom o koncesijama i potpisanim koncesionim ugovorima vršit će se nadzor i provjera rada koncesionara u sprovođenju istražnih i eksploatacionih radova, kao i poštivanja odredbi ugovora. Kvartalno se vrše usaglašavanja iskopenih količina mineralnog resursa, na osnovu kojih se usaglašava i visina koncesione naknade. Nakon donošenja Zakona o koncesijama TK pristupit će se postupku dodjele novih koncesija, za koje već postoje iskazani interesi.

- nastavice se sa učešćem predstavnika Ministarstva na usmenim raspravama koje organizuje Federalno ministarstvo industrije, energije i rudarstva vezano za izdavanje odobrenja za istraživanje i eksploataciju,
- Ministarstvo će saradivati sa inspekcijским organima FBiH na sprovođenju i primjeni zakonske regulative vezano za zaštitu na radu u oblasti rudarstva i geologije, sa posebnim osvrtom na zaštitu okoliša.

U oblasti energetike:

- Bazno-energetska struktura industrije na ovim prostorima dominantno utiče na ukupna privredna kretanja . Elektro-energetska problematika na kantonu definisana je izvještajem o stanju u TE Tuzla , Elektrodistribuciji i malim hidroelektranama na akumulacijama jezera Modrac i Sniježnica . Plan rada u 2004. godini u mnogome je naslonjen na aktivnosti TE Tuzla u narednoj godini i Elektrodistribucije Tuzla na osiguranju plasmana električne energije i naplate od potrošača . Posrednička uloga ovog ministarstva u rješavanju tekuće problematike energetike na TK , je nezahvalna jer treba zaštititi oba subjekta u proizvodnji , prenosu i distribuciji energije.

Problematika u radu instaliranih kapaciteta je izražena kroz ograničeni plasman električne energije i naplatu potraživanja od privrednih društava za utrošenu električnu energiju iz ranijeg perioda.

Predstojeća privatizacija elektro-energetskog sektora zahtijeva raščišćavanje odnosa u oblasti dugovanja i potraživanja i stvaranje pretpostavki za bolje korišćenje kapaciteta i efikasniji rad .

Rad inspekcijских poslova (termoenergetika i elektroenergetika) odvija se po usvojenom programu rada inspekcijskog nadzora u okviru prenešenih ovlašćenja sa federalnog na kantonalni nivo u duhu Zakona .

U oblasti normativne djelatnosti potrebno je donijeti na federalnom nivou niz Zakona i Pravilnika koji će pomoći da sektor energetike može još brže rješavati tekuće probleme inspekcijskog nadzora postrojenja i uređaja i sigurnog rada posuda pod pritiskom te plinovodnih, naftovodnih, parovodnih i vrelovodnih mreža .

U 2004. godini zapocinju aktivnosti organizacijskog i vlasničkog restrukturiranja energetskog sektora u Federaciji BiH . Organizacijsko povezivanje rudnika uglja "Kreka" , "Banovici" i "Đurdevik" sa termoelektranom Tuzla u jedno preduzeće stvorit će bolje pretpostavke razvoja energetike na tuzlanskom kantonu i većeg uticaja na planiranje razvoja i rješavanja ekoloških problema okoline u kojoj živimo i radimo .

- Bazu podataka energetskih potreba stanovništva i privrednih društava u 2004. godini treba dopuniti sa novim potrošačima sa ažuriranjem tekucih potreba .

- Za rad inspekcijских službi osiguriti jedno putničko vozilo novijeg godišta.

Aktivnosti inspekcijски nadzora nad termoenergetskim postrojenjima ogledat će se u slijedećem:

- redovno praćenje kontinuiranog rada i ispravnosti termoenergetskih postrojenja, uređaja i posuda pod pritiskom,
- inspekcijски nadzor u postupku planiranja, projektovanja, izgradnje, rekonstrukcije i održavanja termoenergetskih postrojenja, uređaja i posuda pod pritiskom radi ocjene njihove tehničke ispravnosti, pogonske sigurnosti i tehničke ekonomičnosti,
- kod korisnika sa termoenergetskim postrojenjima, uređajima i posudama pod pritiskom izvršiti redovne i vanredne preglede i ispitivanja kojima ističu rokovi određeni važećim tehničkim propisima i pravilima,
- inoviranje evidencije, promjena i uskladjivanje tehničke i opšte dokumentacije postrojenja, uređaja i posuda pod pritiskom, kao i rad na izradi i dostavljanju Izvještaja i propisnih dokumenata,
- uspostavljanje saradnje sa Zavodom za standardizaciju, mjeriteljstvo i patente BiH o upoznavanju sa izmjenama, dopunama tehničkih propisa, smjernica EU-e u području termoenergetske opreme,

- uspostavljanje efikasnije saradnje sa općinskim organima uprave u području izdavanja saglasnosti za izgradnju termoelektričnih postrojenja,
- saradnja sa ostalim inspekcijskim organima na nivou TK tako i sa Federalnom termoelektričnom inspekcijom u svim oblastima i radnjama.

Elektroenergetska inspekcija u okviru Ministarstva industrije, energetike i rudarstva TK, svoje aktivnosti u 2004. godini obavlja na osnovu Zakona o elektroenergetskoj inspekciji F BiH ("Sl. novine F BiH", br.8/2002. godine), kao i na osnovu Programa rada Ministarstva, sa postojećim kadrovima i opremom.

U svom radu elektroenergetski inspektori će i u narednom periodu nastaviti s praksom održavanja sastanaka sa poslovođstvom Elektrodistribucije Tuzla (u okviru JP Elektroprivreda BiH, Elektrodistribucija Tuzla) kao i rukovodiocima svih poslovnica Elektrodistribucije na području TK, s ciljem bolje koordinacije kao i upoznavanja nadležnih u poslovnica na planovima rada kantonalne elektroenergetske inspekcije.

Na tim sastancima, a posebno prilikom posjeta poslovnica Elektrodistribucije u Općinama Tuzlanskog kantona, dogovarace se konkretne aktivnosti u cilju što uspješnije saradnje. Takođe će ovi sastanci biti iskorišteni i za prikupljanje podataka radi ažuriranja vlastite baze podataka sa svim relevantnim činjenicama vezanim za snabdjevanje električnom energijom na području TK. Kada se radi o planskim pregledima elektroenergetskih objekata kojima gazduje Elektrodistribucija najviše aktivnosti će biti usmjereno na područja sa dotrajanim i preopterećenim mrežama čije je održavanje znatno složenije. Na bazi dosadašnjih iskustava da u većini poslovnica postoji kašnjenje u izvršavanju donijetih planova pregleda, revizija i remonta, što se obično objašnjava nedovoljnim materijalno-tehničkim mogućnostima, planira se jača koordinacija sa poslovođstvom Direkcije za distribuciju kako bi se to izbjeglo. U vezi s tim planira se da se u narednom periodu posebna pažnja posveti obilascima i pregledima elektroenergetskih objekata u vlasništvu trećih lica. Takođe će se nastaviti sa praksom održavanja kontakata sa općinskim službama za urbanističko građevinske poslove o aktivnostima i planovima rada kantonalne elektroenergetske inspekcije te obavezno općinskih organa prema Zakonu o elektroenergetskoj inspekciji. U narednom periodu značajan dio aktivnosti elektroenergetske inspekcije obuhvataće postupanje po primljenim zahtjevima, najčešće vezanim za ugrožavanje elektroenergetskih postrojenja. Stiče se utisak da je ova oblast u velikoj mjeri neuređena zbog nepostrojanja odgovarajućeg inspekcijskog nadzora u većini općina TK u prethodnom periodu, tako da se pred elektroenergetsku inspekciju postavlja puno zadataka, kako u pogledu preventivnog djelovanja tako i u pogledu podnošenja odgovarajućih prijava.

U kvantitativnom smislu u narednoj 2004. godini, elektroenergetska inspekcija planira sljedeće aktivnosti:

red.br.

AKTIVNOST

broj

1.

Radno konsultativni sastanci

50

2.

2.

2.

Pregledi el.energetskih objekata:

- TS 10/0.4 kV

- DV 10 kV

400

30

3.

Pregledi sa zapisnikom

200

4.

Doneseno rješenja o otklanjanju nedostataka

20

5.

Doneseno rješenja o zabrani rada

po potrebi

6.

Postupanje po pismenim zahtjevima stranaka

po potrebi

7.

Postupanje po usmenim zahtjevima stranaka

po potrebi

8.

Prijave za privredni prestup

po potrebi

9.

Prijave za prekršaj

po potrebi

10.

Prinudno izvršenje rješenja

po potrebi

11.

Dopisi, urgencije i upozorenja

po potrebi

12.

Radni sastanci sa Federalnom elektroenergetskom inspekcijom

12

Bitno je napomenuti da se određene aktivnosti, posebno kada se radi o aktivnostima koje se vode prema ukazanim potrebama, odnosno po zahtjevima stranaka ne mogu precizno planirati.

Dosadašnja iskustva u radu kantonalne elektroenergetske inspekcije pokazuju da je za njen uspješan rad neophodna što tješnja saradnja i koordinacija sa nadležnim opštinskim službama i službama Elektro distribucije, kao i drugim inspekcijskim službama. Takođe značajan preduslov za efikasniji rad ove inspekcije je donošenje odgovarajućih podzakonskih akata za zakone koji tretiraju ovu oblast.

Da bi Kantonalna elektroenergetska inspekcija mogla u narednom periodu mogla adekvatno odgovoriti svim zadacima koji se pred nju postavljaju potrebno je raditi na obezbjeđivanju odgovarajućih materijalno-tehnickih preduslova za njen rad (vozilo, kompjuterska oprema, HTZ oprema i sl.)

Ministarstvo će u narednom periodu biti angažovano i na svim drugim poslovima iz nadležnosti resorne oblasti a koji se ne mogu predvidjeti Programom rada.

Tuzla, 04.12.2003 godine

M I N I S T A R

Prof.dr. Mustafa Burgić